

杜工部集

[唐]杜摇甫摇撰

王学泰摇校点

出版说明

杜甫 (712—770) 字子美, 自称 “少陵野老” 或 “杜陵布衣”, 京兆杜陵 (今陕西西安市东南) 人, 生于巩县 (今河南巩义市)。他十三代祖先是晋代名将、名儒杜预, 祖父是初唐名诗人杜审言。这种家世对于杜甫一生不计得失地追求仁政理想与始终不懈地从事诗歌创作有深刻影响。

杜甫生活在唐代由盛转衰时期, 青年时代有一段浪漫的壮游生活, 并有 “致君尧舜” 拯世济民的远大理想。中年以后困居长安十年, “卖药都市, 寄食友朋”, 过着 “饥卧动即向一旬, 敝裘何啻联百结” 的贫困生活, 现实使他感受到贫富的阶级对立与社会的不公。在安史之乱中, 他备尝颠沛流离之苦。唐肃宗曾任命他为七品小官左拾遗, 但他不能适应官场生活, 不久弃官而去, 流浪于秦州、同谷, 后来入川, 在成都、夔州 (今四川奉节) 过了几年较为稳定的生活。不久出峡漂泊江湘一带, 于大历五年冬客死于洞庭湖一带小船之上。

杜甫与李白并称, 号称 “李杜”, 是中国诗史上的最伟大的现实主义诗人, 传世作品一千四百余首。杜诗具有丰富的社会内容、强烈的时代色彩和鲜明的政治倾向, 真实深刻地反映了 “安史之乱” 前后一个历史时代的政治时事和社会生活状况。诗人在描写现实生活、反映社会与人生的重大问题时所作出的判断与评价符合历史的本来面貌, 与广大人民的爱憎相一致, 后世称之为 “诗史”。

杜诗在艺术上也取得了巨大的成就。其代表作品有《自京赴奉先县咏怀五百字》、《北征》、《石壕吏》、《新安吏》、《潼关吏》、《新婚别》、

《垂老别》、《无家别》、《茅屋为秋风所破歌》、《兵车行》、《丽人行》、《秋兴八首》、《咏怀古迹》五首等。

杜甫身后文集散佚不传。北宋宝元二年（~~元祐~~ 1049年）王洙编纂杜甫全集二十卷，嘉■间王琪等人据此本重新编订，成为杜诗文的第一个较为全备、并且刊刻行世的定本，后世各本都出于此本。现今所见王洙系统的本子只有用南宋翻刻本拼补而成的《杜工部集》，缺损部分由清初藏书家毛□抄补，~~光绪~~ 1906年商务印书馆影印出版。

本书以影印《杜工部集》为底本，以《王状元集百家注编年杜陵诗史》、《仇家集注杜诗》、《杜工部草堂诗笺》、《杜诗赵次公先后解辑校》通校，并以钱谦益所撰《杜工部集笺注》、仇兆鳌《杜诗详注》参校。底本未收的诗篇据他本补录，附在后面。为了便于阅读，较长的诗文酌情分段。校勘整理情况详见书后《校勘记》。本书由中国社会科学院文学研究所古代文学研究室王学泰校点整理。

【目录】

出版说明

杜工部集记 辕员

卷第一 辕员

卷第二 辕员

卷第三 辕愿

卷第四 辕苑

卷第五 辕苑

卷第六 辕愿

卷第七 辕苑

卷第八 辕苑

卷第九 辕苑

卷第十 辕苑

卷第十一 辕苑

卷第十二 辕苑

卷第十三 辕苑

卷第十四 辕苑

卷第十五 辕苑

卷第十六 辕苑

卷第十七 辕苑

卷第十八 辕苑

卷第十九 辕苑

卷第二十 辕苑

补遗 辕愿

毛宸跋 辕愿

张元济跋 辕愿

再补遗 辕愿

校勘记 辕愿

杜工部集记

翰林学士兵部郎中知制诰史馆修撰太原王洙撰

杜甫，字子美，襄阳人，徙河南巩县。曾祖依艺，巩令；祖审言，膳部员外郎，父闲，奉天令。甫少不羁。天宝十三年，献三赋，召试文章，授河西尉，辞不行，改右卫率府胄曹。天宝末，以家避乱■州，独转陷贼中。至德二载，窜归凤翔，谒肃宗，授左拾遗，诏许至■迎家。明年，收京，扈从还长安，房■罢相，甫上疏论■有才，不宜废免，肃宗怒，贬■■州刺史，出甫为华州司功。属关辅饥乱，弃官之秦州，又居成州同谷，自负薪采稻，舖糒不给，遂入蜀，卜居成都浣花里，复适东川。久之，召补京兆府功曹，以道阻不赴，欲如荆楚。上元二年，闻严武镇成都，自阆州挈家往依焉。武归朝廷，甫浮游左蜀诸郡，往来非一。武再镇两川，奏为节度参谋、检校工部员外郎，赐绯。永泰元年夏，武卒，郭英□代武，崔旰杀英□，杨子琳、柏正节举兵攻旰，蜀中大乱，甫逃至梓州。乱定归成都，无所依，乃泛江游嘉、戎，次云安，移居夔州。大历三年春，下峡至荆南，又次公安，入湖南，溯沿湘流，游衡山，寓居耒阳。尝至岳庙，阻暴水，旬日不得食。耒阳聂令知之，自具舟迎还。五年夏，一夕，醉饱卒，年五十九。观甫诗与唐实录，犹概见事迹，比新书列传，彼为踳□。传云：召试，授京兆府兵曹，而集有《官定后戏赠》诗注云：“初授河西尉，辞，改右卫率府胄曹。”传云：“遁赴河西，谒肃宗于彭原。”而集有《瞿达行在》诗注云：“自京窜至凤翔”。传云：“严武卒，乃游东蜀，依高适既至而适卒。”据适自东川入朝，拜右散骑常侍乃卒。又集有《慈州闻高常侍亡》诗。传云：

“扁舟下峡 ,未维舟而江陵乱。乃游襄衡 ”。而集有居江陵及公安诗至多。传云 :“甫永泰二年卒 ”。而集有大历五年正月追酬高蜀州诗 ,及别题大历年者数篇。甫集初六十卷 ,今秘府旧藏 ,通人家所有称大小集者 ,皆亡逸之余 ,人自编摭 ,非当时第叙矣。搜裒中外书 ,凡九十九卷古本二卷 ,蜀本二十卷 ,集略十五卷 ,樊晃序小集六卷 ,孙光宪序二十卷 ,郑文宝序少陵集二十卷 ,别题小集二卷 ,孙仅一卷 ,杂编三卷。除其重复 ,定取千四百有五篇。凡古诗三百九十有九 ,近体千有六 ,起太平时 ,终湖南所作 ,视居行之次 ,若岁时为先后 ,分十八卷 ;又别录赋笔杂著二十九篇为二卷 ,合二十卷。意兹未可谓尽 ,他日有得 ,尚副益诸。宝元二年十月王原叔记。

卷 第 一

前剑南节度参谋宣义郎检校尚书工部员外郎赐绯鱼袋京兆杜甫

古诗五十首

奉赠韦左丞丈一首

送高三十五书记一首

赠李白一首

游龙门奉先寺一首

望岳一首

陪李北海宴历下亭一首

同李北海登历下古城新亭一首李邕诗附

玄都坛歌一首

今夕行一首

贫交行一首

兵车行一首

高都护骢马行一首

天育骠骑歌一首

白丝行一首

秋雨叹三首

叹亭前甘菊花一首

醉时歌一首

醉歌行一首

赠卫八处士一首

苦雨奉寄陇西公兼呈王徵君一首
同诸公登慈恩寺塔一首
示从孙济一首
九日寄岑参一首
送孔巢父谢病归游江东兼呈李白一首
饮中八仙歌一首
曲江一首
丽人行一首
乐游园歌一首
渼陂行一首
渼陂西南台一首
戏简郑广文虔兼呈苏司业源明一首
夏日李公见访一首
奉同郭给事汤东灵湫作一首
夜听许十诵诗爱而有作一首
桥陵诗三十韵因呈县内诸官一首
沙苑行一首
骢马行一首
去矣行一首
自京赴奉先县咏怀五百字一首
白水县崔少府十九翁高斋三十韵一首
三川观水涨一首
大云寺赞公房二首
哀江头一首
哀王孙一首
悲陈陶一首
悲青坂一首

奉赠韦左丞丈二十二韵

纨绔不饿死，儒冠多误身。丈人试静听，贱子请具陈。

甫昔少年日^①，早充观国宾。读书破万卷，下笔如有神。赋料杨雄敌，诗看子建亲。李邕求识面，王翰愿卜邻。自谓颇挺出，立登要路津。致君尧舜上，再使风俗淳。

此意竟萧条，行歌非隐沦。骑驴三十载^②，旅食京华春。朝扣富儿门，暮随肥马尘。残杯与冷炙，到处潜悲辛。主上顷见徵，欬然欲求伸。青冥却垂翅，蹭蹬无纵鳞。

甚愧丈人厚，甚知丈人真。每于百寮上，猥诵佳句新。窃效贡公喜，难甘原宪贫。焉能心快快，只是走踆踆。今欲东入海，即将西去秦。尚怜终南山，回首清渭滨。常拟报一饭，况怀辞大臣。白鸥波浩荡^③，万里谁能驯？

送高三十五书记

崆峒小麦熟，且愿休王师^④。请公问主将，焉用穷荒为。饥鹰未饱肉，侧翅随人飞。高生跨鞍马，有似幽并儿^⑤。脱身簿尉中，始与捶楚辞。借问今何官，触热向武威。答云一书记，所愧国士知。人实不易知，更须慎其仪。十年出幕府，自可持旌麾。此行既特达，足以慰所思^⑥。男儿功名遂，亦在老大时。常恨结欢浅，各在天一涯。又如参与商，惨惨中肠悲。惊风吹鸿鹄^⑦，不得相追随。黄尘翳沙漠，念子何当归^⑧。边城有余力，早寄从军诗。

赠摇李摇白

二年客东都，所历厌机巧。野人对羶腥，蔬食常不饱。岂无

青精饭 ,使我颜色好。苦乏大药资 ,山林迹如扫。李侯金闺彦 ,
脱身事幽讨。亦有梁宋游 ,方期拾瑶草。

游龙门奉先寺

已从招提游 ,更宿招提境 ,阴壑生虚籁^⑨ ,月林散清影。天
阙象纬逼^⑩ ,云卧衣裳冷。欲觉闻晨钟 ,令人发深省。

望摇摇岳

岱宗夫如何 ,齐鲁青未了。造化钟神秀 ,阴阳割昏晓。荡胸
生曾云 ,决眦入归鸟。会当临绝顶 ,一览众山小。

陪李北海宴历下亭时邑人□处士等在座

东藩驻皂盖 ,北渚凌清河一作青荷。海内一作海右此亭古 ,
济南名士多。云山已发兴 ,玉佩仍当歌。修竹不受暑 ,交流空涌
波。蕴真惬所遇 ,落日将如何 ,贵贱俱物役 ,从公难重过。

登历下古城员外孙新亭

时李之芳自尚书郎出齐州司马 ,制此亭。

北海太守李邕

吾宗固神秀 ,体物写谋长。形制开古迹 ,曾冰延乐方。太山
雄地里 ,巨壑眇云庄。高兴泊烦促 ,永怀清典常。含弘知四大 ,
出入见三光。负郭喜粳稻 ,安时歌吉祥。

新亭结构罢，隐见清湖阴。迹藉台观旧^⑪，气冥海岳深。圆荷想自昔，遗堞感至今。芳宴此时具^⑫，哀丝千古心。主称寿尊客，筵秩宴北林。不阻蓬荜兴，得兼《梁甫吟》。

玄都坛歌寄元逸人

故人昔隐东蒙峰，已佩含景苍精龙。故人今居子午谷，独在阴崖结茅屋^⑬。屋前太古玄都坛，青石漠漠常风寒。子规夜啼山竹裂，王母昼下云旗翻。知君此计试长往^⑭，芝草琅玕日应长。铁锁高垂不可攀，致身福地何萧爽。

今摇夕摇行

今夕何夕岁云徂，更长烛明不可孤。咸阳客舍一事无，相与博塞为欢娱^⑮。冯凌大叫呼五白，袒跣不肯成枭庐。英雄有时亦如此，邂逅岂即非良图。君莫笑、刘毅从来布衣愿，家无儋石输百万。

贫摇交摇行

翻手作云覆手雨，纷纷轻薄何须数。君不见、管鲍贫时交，此道今人弃如土。

兵车行 古乐府云：“不闻耶娘哭子声，但闻黄河流水一溅溅。”

车辚辚，马萧萧，行人弓箭各在腰。耶娘妻子走相送，尘埃不见咸阳桥。牵衣顿足拦道哭，哭声直上干云霄。

道傍过者问行人，行人但云点行频。或从十五北防河，便至

四十西营田。去时里正与裹头，归来头白还戍边。边亭流血成海水^{①⑥}，武皇开边意未已^{①⑦}。君不闻汉家山东二百州，千村万落生荆杞。纵有健妇把锄犁，禾生陇亩无东西。况复秦兵耐苦战，被驱不异犬与鸡。长者虽有问，役夫敢申恨。且如今年冬，未休关西卒^{①⑧}一云，役夫心益愤，如今纵得休，休为陇西卒。县官急索租，租税从何出。信知生男恶，反是生女好。生女犹是嫁比邻，生男埋没随百草。

君不见青海头，古来白骨无人收。新鬼烦冤旧鬼哭，天阴雨湿声啾啾。

高都护骢马行

安西都护胡青骢，声价欻然来向东。此马临阵久无敌，与人一心成大功。功成惠养随所致，飘飘远自流沙至^{①⑨}。雄姿未受伏枥恩，猛气犹思战场利。腕促蹄高如踣铁，交河几蹴曾冰裂。五花散作云满身，万里方看汗流血。长安壮儿不敢骑，走过掣电倾城知。青丝络头为君老^{②⑩}，何由却出横门道。

天育骠骑歌

吾闻天子之马走千里，今之画图无乃是。是何意态雄且杰，骏尾萧梢朔风起。毛为绿縹两耳黄，眼有紫焰双瞳方。矫矫龙性合变化^{②⑪}，卓立天骨森开张。伊昔太仆张景顺，监牧收驹一作老牧神驹阅清峻。遂令大奴守天育，别养骥子怜神俊。当时四十万匹马，张公叹其材尽下。故独写真传世人，见之座右久更新。年多物化空形影，呜呼健步无由骋。如今岂无騊□与骅骝，时无王良伯乐死即休《周穆王传》骅骝□耳，日驰三万里。

白摇丝摇行

绿丝须长不须白，越罗蜀锦金粟尺。象床玉手乱殷红，万草千花动凝碧。已悲素质随时染^②，裂下鸣机色相射。美人细意熨帖平，裁缝灭尽针线迹。春天衣著为君舞，蛱蝶飞来黄鹂语。落絮游丝亦有情，随风照日宜轻举^③。香汗轻尘污颜色，一作香汗清，尘似微汗。开新合故置何许。君不见才士汲引难，恐惧弃捐忍羁旅。

秋雨叹三首

雨中百草秋烂死，阶下决明颜色鲜。著叶满枝翠羽盖，开花无数黄金钱。凉风萧萧吹汝急，恐汝后时难独立。堂上书生空白头，临风三嗅馨香泣。

阑风伏雨秋纷纷^④，四海八荒一作万里同一云。去马来牛不复辨^⑤，浊泾清渭何当分。禾头生耳黍穗黑^⑥，农夫田父无消息。城中斗米换衾裯，相许宁论两相直。

长安布衣谁比数，反锁衡门守环堵。老夫不出长蓬蒿，稚子无忧走风雨。雨声飏飏催早寒，胡雁翅湿高飞难。秋来未曾见白日，泥污后土何时干。

叹庭前甘菊花

簷前甘菊移时晚^⑦，青蕊重阳不堪摘。明日萧条醉尽醒，残花烂漫开何益。篱边野外多众芳，采撷细琐升中堂。念兹空长

大枝叶 结根失所埋风霜²⁸。

醉时歌赠广文馆博士郑虔。

诸公衮衮登台省 广文先生官独冷。甲第纷纷厌梁肉 广文先生饭不足。先生有道出羲皇 先生有才过屈宋。一云所谈或屈宋。德尊一代常坎坷 名垂万古知何用。

杜陵野客更嗤 被褐短窄鬓如丝。日余太仓五升米 时赴郑老同襟期。得钱即相觅 沽酒不复疑。忘形到尔汝 痛饮真吾师。清夜沉沉动春酌 灯前细雨簷花落²⁹。但觉高歌有鬼神 焉知饿死填沟壑。相如逸才亲涤器 子云识字终投阁。

先生早赋《归去来》 石田茅屋荒苍苔。儒术于我何有哉 孔丘盗跖俱尘埃。不须闻此意惨怆 生前相遇且衔杯。

醉歌行别从侄勤落第归

陆机二十作文赋 汝更小年能缀文。总角草书又神速 世上儿子徒纷纷。骅骝作驹已汗血 鸷鸟举翮连青云。词源倒流三峡水³⁰ 笔阵独扫千人军。只今年才十六七 射策君门期第一。旧穿杨叶真自知 暂蹶霜蹄未为失。偶然擢秀非难取 会是排风有毛质。汝身已见唾成珠 汝伯何由发如漆。

春光淡沲秦东亭 渚蒲牙白水荇青。风吹客衣日杲杲 树搅离思花冥冥。酒尽沙头双玉瓶 众宾皆醉我独醒。乃知贫贱别更苦 吞声踯躅涕泪零。

赠卫八处士

人生不相见 动如参与商。今夕复何夕 共此灯烛光。一

云：共宿。此灯光。少壮能几时，鬓发各已苍。访旧半为鬼，惊呼热中肠。焉知二十载，重上君子堂。昔别君未婚，儿女忽成行。怡然敬父执，问我来何方。问答乃未已^{③①}，儿女一作驱儿罗酒浆。夜雨剪春韭，新炊间黄粱。主称会面难，一举累十觞。十觞亦不醉，感子故意长。明日隔山岳，世事两茫茫。

苦雨奉寄陇西公兼呈王徵士

陇西公即汉中王□，徵士，琅邪王澈。

今秋乃淫雨，仲月来寒风。群木水光下，万象一作万家云气中。所思碍行潦，九里信不通。悄悄素■路，迢迢天汉东。愿腾六尺马^{③②}，背若孤征鸿。划见公子面，超然欢笑同。奋飞既胡越，局促伤樊笼。一饭四五起，凭轩心力穷。嘉蔬没溷浊，时菊碎榛丛。鹰隼亦屈猛，乌鸢何所蒙。式瞻北邻居，取适南巷翁。挂席钓川涨^{③③}，焉知清兴终。

同诸公登慈恩寺塔^{时高适、薛据先有此作。}

高标跨苍穹^{③④}，烈风无时休。自非旷士怀，登兹翻百忧。方知象教力，足可追冥搜。仰穿龙蛇窟，始出枝楞幽。七星在北户，河汉声西流。羲和鞭白日，少昊行清秋。秦山忽破碎，泾渭不可求。俯视但一气，焉能辨皇州。回首叫虞舜，苍梧云正愁。惜哉瑶池饮，日晏昆仑丘。黄鹄去不息，哀鸣何所投。君看随阳雁，各有稻粱谋。

示从孙济

平明跨驴出，未知适谁门。权门多豷□，且复寻诸孙。诸孙

贫无事,宅舍如荒村。堂前自生竹,堂后自生萱。萱草秋已死,竹枝霜不蕃。淘米少汲水,汲多井水浑。刈葵莫放手,放手伤葵根。阿翁懒惰久^⑤,觉儿行步奔。所来为宗族,亦不为盘飧。小人利口实^⑥,薄俗难可论^⑦。勿受外嫌猜,同姓古所敦。

九日寄岑参

出门复入门,两脚但如旧^⑧。所向泥活活一作浩浩,思君令人瘦。沉吟坐西轩^⑨,饮食错昏昼。寸步曲江头,难为一相就。吁嗟呼苍生,稼穡不可救。安得诛云师?畴能补天漏。大明韬日月,旷野号禽兽。君子强逶迤,小人困驰骤。维南有崇山,恐一作潯与川浸溜。是节东篱菊,纷披为谁秀?岑生多新诗,性亦嗜醇酎。采采黄金花,何由满衣袖两脚,一作雨脚。

送孔巢父谢病归游江东兼呈李白

巢父掉头不肯住,东将入海随烟雾。诗卷长留天地间,钓竿欲拂珊瑚树一云:三珠树。深山大泽龙蛇远,春寒野阴风景暮^⑩。蓬莱织女回云车^⑪,指点虚无是征路^⑫。自是君身有仙骨,世人那得知其故。惜君只欲苦死留^⑬,富贵何如草头露一云:我欲苦留君富贵,何如草头易■露。蔡侯静者意有余,清夜置酒临前除。罢琴惆怅月照席,几岁寄我空中书。南寻禹穴见李白,道甫问信今何如?一云深山大泽龙蛇远,华繁草青风景暮。仙人玉女回云车,指点虚无引归路。若逢李白骑鲸鱼,道甫问信今何如。^⑭

饮中八仙歌

知章骑马似乘船,眼花落井水底眠。汝阳三斗始朝天,道逢

麴车口流涎 ,恨不移封向酒泉。左相日兴费万钱 ,饮如长鲸吸百川 ,衔杯乐圣称世贤。宗之萧洒美少年 ,举觞白眼望青天 ,皎如玉树临风前。苏晋长斋绣佛前 ,醉中往往爱逃禅。李白一斗诗百篇 ,长安市上酒家眠。天子呼来不上船 ,自称臣是酒中仙。张旭三杯草圣传 ,脱帽露顶王公前 ,挥毫落纸如云烟。焦遂五斗方卓然 ,高谈雄辩惊四筵。

曲江三章章五句

曲江萧条秋气高 ,菱荷枯折随风涛。游子空嗟垂二毛。白石素沙亦相荡 ,哀鸿独叫求其曹。

即事非今亦非古 ,长歌激越梢林莽。比屋豪华固难数。吾人甘作心似灰 ,弟侄何伤泪如雨？

自断此生休问天 ,杜曲幸有桑麻田。故将移住南山边。短衣匹马随李广 ,看射猛虎终残年。

丽摇人摇行

三月三日天气新 ,长安水边多丽人。态浓意远淑且真 ,肌理细腻骨肉匀。绣一作画罗衣裳照暮春 ,蹙金孔雀银麒麟。头上何所有？翠微一作□一作□叶垂鬟唇 ,背后何所见？珠压腰极稳称身。就中云幕椒房亲 ,赐名大国虢与秦。紫驼之峰一作珍出翠釜 ,水精之盘行素鳞。犀筋厌饫久未下 ,銚刀缕切空纷纭。黄门飞鞚不动尘 ,御厨丝络一作骆驿送八珍。箫鼓一作管哀吟感鬼神 ,宾从杂遝实要津。后来鞍马何逡巡 ,当轩一作道下马入锦茵。